

IN FESTO
S. ANTONINI
MARTYRIS,
DUPLEX.

Omnia de Comm. unius Mart. præter ea, quæ hic sunt propria.

ORATIO.

OMnipotens Sempiternè Deus, qui hunc diem B. Antonini Martyris tui solemnitate clarificas: exaudi preces populi tui, & præsta; ut quæ fideliter expetit, eò suffragante, consequi mereatur. Per Dominum nostrum.

IN II. NOCTURNO.

Lectio iv.

Antoninus regali genere ortus, cum à prima ætate Christianam Religionem coleret, parentibus orbat, à Theodorico patre Tolosæ Rege infideli, Pamix (quod est Galliæ Narbonensis Oppidum) educatus est. De lato autem ad Regem, quod Christianus esset, inde discedens, Romam venit: postea Salernum profectus, ibi duodeviginti annos apud pios, & doctos Viros in secessu eremitico mansit. Sacris deinde or-

dinibus initiatus, Diaconatum suscepit. Quo ex tempore cœpit quamplurimis clare miraculis, ita ut cæcis visum, sardis auditum, mutis loquelam restitueret, variis languoribus oppressos sanaret, immundos etiam spiritus ex hominum corporibus eiceret. Hujusmodi verò miracula, vitæ innocentia, & puritas comitabantur, nec à verbi Dei prædicatione, etiam cum vitæ discrimine, quando se ei præbebat occasio (cum martyrii cupidissimus esset) cessabat. In eo munere cum aliquando siti laboraret, elevatis ad Cœlum oculis, Deum precatus, baculo, cui innitebatur, terram percussit, ex qua illicò fons emanavit, quo ipsè, & alii multi sitim extinxerunt.

R. Honestum fecit 4.

Lectio v.

Aliquot post annos, ad natale solum reversus, & à patre susceptus, aliquandiu

quandiu cum eo vixit, sed irerum, quod Christianus, & Regiæ Majestatis reus esset accutatus, in tenebricosum carcerem (qui Spelunca vocata dicebatur) compedibus ligatus, sine cibo, & potu conjicitur. Post septem dies Rex carcerem adiit, existimans juvenem jam inedia mortuum fuisse, quem cum incolumem invenisset, quinimodò puerum nobilem Almachium pondus vinculorum ejus sustentantem comperiisse; id Magicæ Arti tribuens, puerum è rupe præcipitari, & Beatum Antoninum gravioribus vinculis astringi jussit. Interim Rex in bello periit, puer verò præcipitatus, illæsus repertus est, & Beatus Antoninus ab Angelo solutis compedibus (ut alter Petrus) liberatus, liberius coepit Christianos vinctos in carcere, & extra, in Fide Catholica confirmare. Cùm autem Theodorico successisset in Regnum Gallatius, Antonini consanguineus, & majores in Christianos percutiones excitaret, Antoninus à piis Viris ab ira Regis ereptus, Pamiam in solitudinem secessit, ubi & Almachium puerum reperiit.

8. *Desiderium animæ 3.*

Ibi in spelunca (quæ Orientalis dicebatur prope fontem) simul in orationibus, & jeuniis se exercentes, ab omni hominum conversatione semoti, diu commorati sunt. Illis paulò post quidam Joannes Presbyter Divino instinctu, simul futurus Martyr, adjungitur. Nam cùm Venatores Regii ex insperato eos reperissent, & Antoninum cognovissent, ad Regem deferunt, qui ad se perductum Antoninum, sic alloquitur: Quæ te dementia Antonine coepit, ut tui generis oblitus, tuis præstigiis homines dementes, & Regnum nostrum perturbes? Cui Antoninus: Non ego, Gallati, quemquam demento, sed unum Deum; cujus est Regnum, & Imperium, prædico. Tuos autem; quos colis Deos, ligneos, & lapideos, ut falsos, & inanes respuo. His verbis ira inflammatus Rex, illicò cum cum sociis capite plecti, & in flammam (cui nomen Aregia) projici jubet. Eorum corpora à Christianis inventa, honorificè condita sunt: Et Sancti Antonini dexter humerus, cum brachio, qui insimul etiam cum capite, feroci ictu, cum feriretur, abscissus fuerat, in Ecclesia Palentina, cujus Patronus existit, ex multo

rem-

tempore magna cum venera-
tione asservatur: ad cuius ta-
ctum puer mortuus, qui mul-
titudini populi sanctas reli-
quias subsequens, in sinu
matris oppressus fuerat, sta-
tim revixit. Cum etiam San-
ctius Castellæ primus Rex,
dum venaretur, aprum, qui
in antrum confugerat, & cui-
dam ibidem imagini inhære-
bat, ferire vellet, statimque
eî brachium obriguisset; com-
perto, quod illa esset Sancti
Antonini imago, in cuius ho-
norem locus habebatur, pœ-
nitens facti Rex, vovit Marty-
ri templum ibi erigere, & illi-
cò brachium pristinae sanitati
restituitur. Quare eo loco ma-
gnificentissimam Ecclesiam
Sancti Antonini nomine ædi-
ficavit, ædiculam verò antri,
ut hodie visitur, sub ipsa Ec-
clesia intactam reliquit.

✠. Stola jucunditatis 6.

Lectio S. Evangelii secundum
Joannem.

Lectio vii. cap. 12. d.

IN illo tempore: Dixit Je-
sus Discipulis suis: Amen,
amen dico vobis, nisi gra-
num frumenti cadens in ter-
ram mortuum fuerit; ipsum
solum manet. Et reliqua.

Homilia Sancti Augustini
Episcopi.

Tract. 51. in Joannem, sub
medium.

IPse Dominus Jesus erat
granum mortificandum,
& multiplicandum: mortifi-
candum infidelitate Judæo-
rum; multiplicandum fide
populorum. Jam verò exhor-
tans ad passionis suæ sectanda
vestigia. Qui amat, inquit,
animam suam, perdet eam.
Quòd duobus modis intelli-
gi potest. Qui amat, perdet: id
est, si amas, perdes. Si cupis
vitam tenere in Christo, noli
mortem timere pro Christo.
Item alio modo: Qui amat
animam suam, perdet eam,
noli amare in hac vita, ne
perdas in aeterna vita.

✠. Corona aurea 7.

Lectio viii.

HOC autem, quod poste-
riùs dixi, magis habere
videtur Evangelicus sensus.
Sequitur enim: Et qui odit
animam suam in hoc mun-
do, in vitam aeternam custo-
dit eam. Ergo, quod supra di-
ctum est, qui amat, subintel-
ligitur, in hoc mundo, ipse
utique perdet; qui autem odit,
utique in hoc mundo, in vi-
tam aeternam ipse custodit
eam. Magna, & mira sen-
tentia, quemadmodum sit
hominis in animam suam
amor ut pereat, odium ne pe-
reat. Si malè amaveris, tunc
odisti: si benè oderis, tunc
amasti. Felices, qui oderunt
custodiendo, ne perdant
amando. Hic

8. Hic est verè Martyr 8. j

Lectio ix.

Sed vide ne tibi subrepat, ut te ipsum velis interire, sic intelligendo, quod debes odisse in hoc mundo animam tuam. Hinc enim quidam maligni, atque perversi homines, & in se ipsis crudeliores, & sceleratiores homicidæ, flammis se donant, aquis se præfocant præcipitio se collidunt, & percutunt. Hoc Christus non docuit: imò etiam Diabolo præ-

cipitium suggerenti respondit: Redi retrò Satanas; scriptum est: Non tentabis Dominum Deum tuum. Petro autem dixit, significans qua morte clarificaturus erat Deum: Cùm esses junior, cingebas te, & ambulabas quò volebas: cùm autem senueris; alter te cinget, & ferret quò tu non vis. Ubi satis expressit: non à se ipso, sed ab alio debere occidi, qui vestigia sequitur Christi.

Te Deum laudamus.

HISPANIARVM.

Ad pias preces nomine Serenissimi Regis Catholici ab Emo. & Rmo. Domino Card. Bentivolo Sac. Rit. Congr. porrectas, & per Emun. & Rnum. D. Card. Belluga relatas, Sac. eadem Rit. Congr. singulis annis Officium diei festi S. Antonini Mart. cum Oratione, & Lectionibus propriis secundi, & tertii Nocturni tantum, dummodò reliqua sumantur de Comm. sub ritu dup. min. servatis tamen rubricis, ab omnibus Christi fidelibus Sæcularibus, & Regularibus utriusque sexus in cunctis Regnis, & Dominis ipsi Serenissimo Regi Catholico subiectis recitari, & Missam respectivè celebrari posse censuit, si Smo. Dño. nostro visum fuerit. Die 3. Martii 1731.

Factaque deinde per me Secretarium de prædictis Smo. Dño. N. relatione, Sanctitas sua benignè annuit. Die 10. ejusdem mensis, & anni.

C. Card. de Marinis Præfectus.

Loco ✠ sigilli.

N. M. Tedeschi Archiepisc. Apamensis,
Sac. Rituum Congreg. Secret.